

Фикҳ дарслари (155-дарс) Намознинг ташқарисидаги фарзлар (тўртинчи мақола)



20:00 / 07.10.2021 2535

Ният қилиш

«Ният» сўзи «қасд қилиш» деган маънони билдиради.

Шариатда қалбнинг Аллоҳга қурбат ҳосил қилиш учун ибодатни адо этишга азму қарор қилиши ниятдир.

Намознинг тўғрилиги учун ниятнинг шартлигига далил:

Аллоҳ таоло Баййина сурасида:

وَالصَّلَاةِ أَوْمِيْقِيْوْ ءَاَفَنُحَ نَيِّدِلَا ءَلَنِي صِلْخُمْ ءَلَلَا اُوْدْبَعِيْل اِلَا اُوْرْمُ اَمَو
ءَمِّيْقِيْلَا نِيْدَلْ دَوَءَاكْزَلَا اُوْتُوْوِيْ

«Ҳолбуки, улар фақат Аллоҳга, динни Унга холис қилган, бошқадан унга бурилган ҳолда ибодат қилишга, намозни тўқис адо этишга, закот беришга буюрилган эдилар, холос», деган (5-оят).

Ихлос ниятдан иборатдир.

Ҳадисдан далил:

اَمَّنَا: اَلَا ق م ل س و ه ي ل ع ل ل ا ل ي ص ي ب ن ل ا ن ع ، ء ن ع ء ل ل ا ل ي ص ر ر م ع ن ع
دُوَاد اَبَا اَل اِسْمَخَلَا ءَاوْر . «يَوْن اَمِّيْرْمَلْلُ كَل اَمَّنَاو اِيْتَايْنَل اَب اَل اَمْعَا ل ا

Умар розияллоҳу анҳудан ривоят қилинади:

«Набий соллаллоҳу алайҳи васаллам:

«Албатта, амаллар ниятларга боғлиқдир. Албатта, ҳар бир кишига ниятига яраша бўлади», дедилар».

Бешовларидан фақат Абу Довуд ривоят қилмаган.

«Кифоя» китобининг биринчи жузи асосида тайёрланди